

# QVÆSTIO MEDICA.

## QVODLIBETARIIS DISPV TATIONIBVS MANE DISCVTIENDA

### IN SCHOLIS MEDICORVM, DIE IOVIS VII. DECEMBRIS.

#### M. GERMANO HVREAV Doctore Medico Præsidente.

1059

*An manifesta in Oculis Arcana Cordis?*

**M**OTVS omnis principium immobile: imotus author naturæ omnia mouet; animus humanus indiuiduus semet agitur omnium quas intus habet mutationum est opifex; Sol in orbe terrarum vnus idemque varias alternat ortus obitusque rerum vices; cor in hominis pectore Solis instar lucem, calorem, vitam, partibus etiam distantissimis imperit & irradiat: Mutatum ab his & ab hepate sanguinem singulis reponit cum fœnore & ingento motu vitæ flumen impellens perennis circulationis initium & finis est: an etiam *aiuumierus* officina? inchoatum certè hepatis opus absoluit: cerebro non cedit suprema necessitatis iura, an dignitatis? sic ex principum triade, monas. Bonum non est plures regnare soles in mundo, polemarchos in ciuitate, partes in homine: vbique *de xagvovs* *ēva*. non cerebrum, sed cor animal diuidit, visum aliquando gemino capite monstrum, gemino corde nunquam. Cor præcipua animæ sedes, cuius spirituofum cum corpore vinculum natura in profundissimo cordis sinu condidit; hinc nec molle vt hepar, lien, cerebrum, nec durum vt os, ligamentum, nervus, sed consentientia medium, iugiter agendo & sustinendo opportunum, medio situ inter hepar & cerebrum, vt his ex aquo commeatum suppeditaret, nec non offibus vndequaue loricatum vt nesciret graves intemperies, vulnus, dolorem, iniurias: vtique primum viuens & mouens vltimum ineluctabili fato concederet.

**A**EDITAM in corde mentem (citra vulgarem loquendi modum) indicant variae huius agitationes & motus, vis est in homine quæ intelligit quæ sunt: atque ex his bona prosequitur, & mala fugit ex arbitrio; Nutanti tamen iudiciorum examini non leue pondus addunt sensuum appetitus, nec raro voluptatum adblandientium illecebræ mentem è suprema sede in infimam deturbant: quin imò tam homini propriæ sunt vehementiores cordis commotiones quam ipso ratio; hinc solus homo risus stetitque capax. Vis arcanos mentis affectus rimari? domicilium cordis explora, paruini & coactum animosis reperies, & *ivovadivovs*. grande timidus. An *aiouadivovs* nullum? ignavis certè molle nulliusque virtutis, an audacibus pilosum? Animi mores cordi sic annexi, vt mens in se domina lubens ancilletur cordi; vides vt hoc infascente illa sensum incalefcit, ardet, furit, timore perculso omnes sensus obstupescunt, vox hæret faucibus, imò quam natura Croesi filio denegarat, auda loquendi formido resistit? nunc audacia timidum cor vitæ prodigum est, nunc iucunda spe prolefcata ac veluti suspensa mente subfultat, exilit, pollicitisque bonis obuiam pergit, spes caduce mœstum cor in extremas adducunt angustias. nùm & cordi amare datum est? an potius tam illi amare proprium quam viuere? vibratio eius assultus pulsusque latentes detegit percunctis Antiochi faces, in odio & animi ægritudine contabescit, in gaudio sic diffunditur, vt animam quandoque sinat elabi. quid plura? cupit anima toto corde & rectius quam iecinore concupiscit.

**C**ORDIS & cerebri fenestrae sunt oculi, per quas animus commeat intus foras, foris intro penetratur: in nobili sensuum pentapoli supremum obtinent locum, vt inde anima tanquam è specula provideret nequid subiectione partes caperet detrimenti, namque sine his essent inutiles, nec pedes securè ambularent, nec manus fortiter apprehenderent: lucis parentes, filij Solis, velut hic diem à nocte, sic illi vitam à morte lucis vsurâ discriminant, hoc illo præstantiores quod animati, non tam corporis sidera quam mentis, hæc oculus est animæ, illi mentis; obiectis quippe illi speculorum instar rerum simulacris illustre faciunt cum ea commercium, horum ope sidera suspicimus, sine his naturæ venustus nulla foret aut superuacanea, deuocata nimirum è celo philosophia his sequestris: oculorum compages tot distincta miraculis quot habet in se particulari; *ivovadivovs* *vovs* quæ præcipue videndi potentia viget, porissimum, vt aqua perspicuum, perspicendi omnis generis affectibus aptissimum, rotundum vt celerius multa capiat, in oculi centro conditum, obvallatum multiplici humorum, tunicarum propugnaculo, ad tutelam diuinæ particulæ, visus optimus in quo humoris excessus & defectus nil deliquerint. Videndi actus menti similissimus, sit specierum receptione, quiete quadam, vi instrumenti propemodum indefessa, celeritate cum mente pari, voluptate incredibili, obiecto lumine.

**Q**VANTO perfectior est oculorum natura, tanto citius sæpiusque deficit, horum puritas quouis humorum redundantium colore inficitur, vaporum caligine perspicuitas obtunditur, spirituum defectu debilitatur *ēuena* eorumdem abundantia firmitas obtutus conturbatur, nulla mutatio in humoribus contingit cuius signa in oculis non luceant, vt illi valent sic vniuersum corpus, cum cerebro societatem habent nervorum, à quo spirituum visuum motuumque desumunt, hepatis per venas & cordi non modo per arterias, sed etiam eiusdem muneris affinitate ætiffimè colligantur, hinc eadem oculorum cordisque sanitas, idem habitus, iidem mores; quadrupedes leo, aues aquila non magis corde superant quam visus acumine: arteriæ oculis diuino opere intextæ mole sua magnitudinem vel paruitatem cordis ostendunt. oculi vasta mole protuberantes infiti caloris copiam designant, in obiecta procaces, subtilitatem spirituum. si quos melior iuuentus assauerat honores celeriter deciderunt, improba Venus abtulit, aut mutila & efficta genitalium vis decessit in partes nutritias & infimas, vt in spadonibus, si extremè consumpti in senæ accidunt, influentis insitque spiritus inopia mors in limine stat. Cordis & oculorum admirabili sympathia fit, vt ex præalto loco despicantes caligantibus oculis deficient cordis vires & metu exuperante contramus præcipites. sanguinem humanum effusum ex improuiso intuiti nonnulli nimio miserationis affectu collabuntur. prægnantes rem visam, & summè concupitam fœtui recipi imprimunt.

**A**RCANA Cordis prout cogitationes in intellectu sunt & in voluntate affectiones, nec homo nouit, nec dæmon: rationalis creaturæ voluntas vni subiacet Deo, horum vero signa si qua sunt in corpore ex oculis solers elicit Medicus. magni & eminentes stolidam mentem ostentant, parui & concaui infidam, albicantes aut intense nigri timidum cor, ignei & rubri iracundum, bellicosum truculentum, fariosum scintillantes, caropi animosum, intemperantia tremulos ciet, lasciuia libido ignea quadam mobilitate præcleres ac veluti volantes leuiter & cum venustate declinantes non inamabili vitio, pudor in oculorum modesta compositione, seueritas in alto supercilio sedent, superbus elatos proferit, humilis demissos, occultus liuor defixis & in vno ac intoruo obtutu harentibus cor intus mentemque discerpi proprioque veneno exedi manifestat, quis credat ex oculis veneno emanare & inuidi cordis radium, alienum corpus inficere ad tabem vsque? In quibusdam tanta est malitia vt solo aspectu fascinent. Quid? quod soli homini oculis depruari contingit exortis inde etiam strabonum, Lu cinorum, pariorum cognominibus: Cyclops nihil est aliud quam Poetæ figmentum: per oculos vt nuntios cor irascitur, timet, audet, sperat, desperat, amat, odit, cupit, flet, ridet; non est fur, non adulter, non sacrilegus, qui non oculis discernatur; ita vt quemadmodum totus homo in corde est, ita totum cor in oculis extet.

*Ergo manifesta in Oculis Arcana Cordis.*

DOMINI DOCTORES DISPV TATV RI.

M. Isaac Renaudot.  
M. Antonius Morant.  
M. Petrus Regnier.

M. Ioannes Hamon.  
M. Ioannes Maurin.  
M. Simon Boulot

M. Franciscus Pijarr.  
M. Ioannes de Bourges.  
M. Franciscus Boujonnier.



Proponebat Lutetiæ EDMONDVS CHARRIER Trecensis, A. R. S. H. M. DC. LVI.